

Na osnovu, člana 70. Zakona o javnim nabavkama BiH (“Službeni glasnik BiH» br. 39/14) i člana 42 Statuta Preduzeća v.d. Direktor je na prijedlog komisije za provođenje postupaka javne nabavke donio

O D L U K U

o poništenju postupka javne nabavke putem konkurentskog postupka

I

Donosi se odluka o poništavanju postupka javne nabavke za nabavku goriva i maziva putem konkurentskog postupka, objava br.: 1098-7-1-5-3-6/16 od 12.02.2016.god..

II

Ova odluka stupa na snagu danom donošenja. Postupak poništavanja nabavke provest će se shodno odredbama Zakona o javnim nabavkama BiH.

III

Odluka o dodjeli ugovora za javnu nabavku goriva i maziva br.: 1354/16 od 08.03.2016.god. se stavlja van snage.

O b r a z l o ž e n j e

Odlukom o dodjeli ugovora za javnu nabavku goriva i maziva br.: 1354/16 od 08.03.2016.god. dodjeljen je ugovor ponuđaču PETROL BH OIL Company doo Sarajevo. Međutim ponuđač HIFA-PETROL doo Sarajevo dana 16.03.2016.god., shodno članu 99. i članu 101. ZJN uputio je žalbu na istu radi pogrešno i nepotpuno utvrđenog činjeničnog stanja, navodeći da ponuđač Petrol BH OIL Company doo Sarajevo:

- **Nije upisao mjesto i datum u Prilogu 2 – obrazac za dostavljanje ponude.**

Ponuđač HIFA – PETROL doo Sarajevo također nije popunio navedeno, dok je ponuđač PROMING doo Bugojno PJ Sarajevo, upisao samo mjesto.

- **Period važenja ponude nije usklađen u izjavi i u Prilogu 4 – Izjava dobavljača.**
- **U specifikaciji goriva i maziva nije upisana zemlja porijekla.**

Ponuđači HIFA – PETROL doo Sarajevo i PROMING doo Bugojno PJ Sarajevo također nisu popunili navedeno.

- **Na dijelu specifikacije goriva i maziva izvršena je korekcija zemlje porijekla koja nije parafirana od strane ovlaštene osobe.**
- **U tački 13. Tenderske dokumentacije cijena se piše brojevima i slovima.**


Nijedan ponuđač nije dostavio cijene izražene u slovima.

Komisija je ostvarila ponovni uvid u sve ponude i utvrdila da nijedna ponuda nije ispunjena na način kako je traženo u Tenderskoj dokumentaciji. Shodno članu 100. Stav 3) ZJN i članu 69. stav d), Komisija je utvrdila da je žalba osnovana, te predlaže Ugovornom organu poništenje postupka javne nabavke.

Na osnovu prijedloga Komisije, v.d. Direktor je donio odluku kao u dispozitivu.

Pravna pouka:

Svaki ponuđač koji ima legitiman interes za konkretan ugovor o javnoj nabavci i koji smatra da je naručilac (ugovorni organ) u toku konkretnog postupka dodjele ugovora prekršio jednu ili više odredbi Zakona o javnoj nabavci ili pravilnik ima pravo uložiti žalbu na postupak u pisanoj formi najkasnije deset (10) dana od dana kada je njegov podnosilac primio odluku, odnosno obavještenje o dodjeli ugovora.

v.d. Direktor

Amer Kapo

Dostavljeno:

- Ponuđačima
- Sektor za komercijalne poslove
- SPKOP
- Komisiji
- Internom revizoru
- a/a